

ЛЕНИН ТУЙ ВЫЛЭТ

(По ленинскому пути)

ВКП(б)
Окружкомлэн
ВКП(б)
Кудымкарскэй
Райкомлэн да
Окрисполкомлэн
орган

Л'ебтыны качество партийнэй просвещеннелісь

Партийнэй пропаганда коммунист'езлэ сетэ большевистскэй закалка, отсалэ буржыка тыдмавы да уничтожайтны народлісь враггезэс.

Троцкистско-бухаринскэй шпион'ез, кэднэ дыр пукалісь окружнэй организациязын „руководителле-зэн“ пуктывлісь ассиныс быдэс вын с'етчэ, кызды бы тормозитны коммунист'езлэ идейнэй уровень л'ебтэмын. Политическэй лекцияез, докладд'ез езе вэвлэ, коммунист'езлэн партийнэй просвещеннэ пыр вештісьвывлісь бэр'я очередьэ.

Не случайно, конечно, Коми-Пермяцкэй Окружкомкольэм годд'езэ райкомлісь некэр езе кызывлісь некытшэм партийнэй пропаганда йылісь вопрос, некэр езе обсуждайтлы партийнэй просвещеннэ состояннэ йылісь вопрос.

Идеологическэй фронт вылын ассиныс гнустнэй вредительство вевттыэм понда, народлэн враггез отирлісь синн'езв е ж э м понда формально „суеитч и с э“, „организуйтлісь“ кружоккез, „наложивайтлісь“ партийнэй просвещеннелісь сеть, а дело вылын быдэс ета удж представляйтлісь очковирательство да вредительство.

Вредительство вэлі школаез да кружоккез комплектуйтэмын. Этік кружокэ актывлісь не эткодэ уровня подготовкаэн отирэс, велэтчэмын быднэдэж насаждайтлісь сезонность да организационнэй распушенность. Эні быд мортлэ лоис вежертана, мыйэн вэлі диктуйтэм идейно-политическэй уджлэн ета „недоценка“.

Троцкистско-бухаринскэй „организаторез“ быднэдэж старайтчисэ отвлекайтны коммунист'езлэ партиалісь история велэтэмын с'етшэм периодд'ез, кэр развертывайтчывлісь капиталист'езкэт, социализмлэн предателлезкэт ожесточеннэй пессьэм. Быдэс ета керсьывлісь сы понда, медбы кружоккез езе йештэ партиалісь история велэтэмын локны сія периоддэ, кэр партия пессис оппозиционерезкэт, кэднэ сы бэр ын превратитчисэ фашистскэй шпион'езлэн бандаэ, диверсант'езэ да убиецезэ.

Партиялісь история велэтэм кузя кружоккез унажыкыс годісь годэ ассиныс удж кончайтэны 1905, 1912 годд'езы периодэн, а медылы 1917 годсы периоддэ. И медік годас бэра пондэтчэны первой темезынь.

ВКП(б)-лэн XVII с'езд вы-

лын да ВКП(б) ЦК-лэн февральско-мартовскэй пленум вылын ёрт Сталин четкэя определяйтлісь большевизмэн овладевайтэм йылісь задачаез. Однако, коммунист'ез да партинэй уджаліссез не быдэнныс вежертисэ ёрт Сталинлісь указаниёс.

Кудымкарскэй районнэй партийнэй просвещеннелісь су-тэтэм исключително умэля. 23 организуйтэм кружоккез коласісь нормальнэя уджалэны токо 8 да и с'етэн посещаемость еддён учэт.

Партийнэй просвещеннелісь умэлик состояннелісь позьэ объяснитны токо сійэн, што ВКП(б) райком езе руководит пропагандист'езэн, ны коласын езе вэв организуйтэм семинаррез, пропагандист'езлэ езе отсав овладевайтны пропагандистскэй методикаэн, парт-орггезынь езе требуйт некытшэм ответственность.

Ленинизм изучайтэм кузя кружоккезын руководителле-зэ ёрт Петров да Бачев тема сьэрті волнэй беседаез езе керлэ. Нія ограничивайтчывлісь токо 15 минутаа информацияэн, кэда слушательлэ нем оз сет. Вопрос'ез сувтэтчэны не конкретнэй.

Пропагандист ёрт Петровлэн кружоккын Оленчикова, Петров да Котов занятиез кезжэ готовитчэны умэля, вылэн некэр абуэсь конспект'ез. А ёрт Можаяв нельки оз вовлывлы занятиез вылэ.

ОкрОНО-ись парторг ёрт Усков Можаявлісь етатшэм поведеннэсэ езе сувтэт первичнэй парторганизациян обсужденнелісь вылэ.

Окрпотребсоюзн кружок май месяцынь-ни оз уджав, а кружоккыс руководитель ёрт Черепанов етатшэм положеннелісь лыдлэ нормальнэйэн.

Еше умэлыжыка уджалэ кружок Левинскэй сельсоветын. Куим месяц мында бэрлавь кружоккэн руководитны вэлі наметитэм ёрт Шаров, но энэдэз чулэт этік занятия.

ВКП(б) Кудымкарскэй райком адзисе партийнэй просвещеннелісь етатшэм безобразнэй состояннелісь, но мераез езе примитлы.

Партийнэй пропагандаын вредительскэй последствияез успешнэя ликвидируйтэм понда мед одз колэ кружоккез уджыкыс ликвидируйтны организационнэй распушенность да расхлябанность и нын керны большевистскэй порядок. Каждэй партийнэй руководителлэ колэ лоны партийнэй пропагандаын большевистскэй организаторезэн.

Молодёжьлэн митинг

Сентябрь 6 луна город Кудымкарын педучилище дынсь площадь вылын чулалісь молодёжьлэн митинг.

Свободнэй Советскэй Союзісь счастливэй, жизнерадостнэй молодёжь тэн городд'езын, селозын да деревняезын гордостыэн отмечайтис 24 МЮД, кэда чулалісь исключительнэй напряженнэй международнэй обстановке коста. Унамиллионнэй героическэй китайскэй народ геройскэй отстаивайтэ ассис независимость. Героическэй испанскэй народ отражайтэ кровожаднэй германскэй да итальянскэй фашистскэй варварезлісь зверскэй налетт'ез. Фашистскэй Германия наглэя захватитис Австриязэ. Капиталистическэй странаезись молодёжь единэй фронт звамя увтын, коммунистическэй интернационал руководствэ сьэрті геройскэй пессьэ фашизмкэт.

Капиталистическэй странаезись молодёжь босьтэ пример миян Советскэй Союзісь молодёжьсынь, кэда коммунистическэй партия руководство увтын поддэдэг пессис внутреннэй да внешнэй буржуазиякэт гражданскэй война коста. Ленинско-сталинскэй комсомоллэн медбур предста-

вителлэз участуйтисэ бэй-йезын передовэй позицияез вылын.

Ленинско-сталинскэй комсомол, молодёжь штурмуйтэ воздух да море. Молодёжь овладевайтэ наукаэн да техникаэн.

Большевистскэй партия да советскэй правительство заслуженнэй оценивайтэны молодёжьлісь да сы передовэй отрядлісь—комсомоллісь страна одзын заслугез. Ленинско-сталинскэй комсомол кыкись наградытэм орденэн.

И вот талун сентябрь 6 луна молодёжь гордэй, увереннэй, свободнэй да счастливэй аксис площаддэз вылэ мыччавны ассис готовность удж вылэ, велэтчэм вылэ, родина зашита вылэ.

Кудымкарысь молодёжь митинг вылэ локтис флаггезэн, знамениезэн, пессияезэн.

Митинг осьтэ ВЛКСМ Кудымкарскэй Райкомлэн секретарь ёрт Ильных. ВКП(б) райкомсынь приветствіяэн выступитис ёрт Михаленко, молодёжьсынь—ёрт Никулин да велэтчисезынь—Радостева.

Оркестр орсэ интернационал. Митингысь участникез шуэны приветственнэй

кыквез ёрт Сталинлэ да сы ближайшэй соратник-кезлэ.

— Да олас миян любимэй вождь ёрт Сталин!

— Привет молодёжьлэн другла ёрт Сталинлэ!

— Да олас ленинско-сталинскэй комсомол!

Молодёжь сьэлэмсынь приветствуйтис любимэй вождьэс ёрт Сталинэс. Социалистическэй державаньс том поколеннелісь, кызды быдэс уджаліссез кончэдэ преданнэй аслас родиналэ—мамлэ, коммунистическэй партиалэ да советскэй правительстволэ.

24 МЮД празуйтчисе сія кадэ, кэр славнэй комсомол лэсьэтчэ аслас XX годовщина кезжэ. Колэ еше буржыка наладитны удж комсомолын. Особенно миян округын молодёжь коласын умэля сувтэтэм обороннэй удж. Окружкомлэ еше колэ уна керны, медбы перестроитны комсомолын быдэс воспитательнэй удж несоюзнэй молодёжь коласын да школаезын.

Образцовэя пантавны комсомоллісь XX годовщина—с'етшэм задача сулалэ быд комсомольскэй организация одзын, быд комсомолец одзын да комсомолка одзын.

Скоростнэй перелет Москва—Владивосток—Москва

Шэрэт скоростыс 305 километр часэ

Сентябрь 2 луна, 16 час 45 минутэ, Московскэй аэропортлэн лётнэй поле вылын чулалісь замечательнэй скоростнэй воздушнэй рейслэн финиш маршрут сьэрті Москва—Владивосток—Москва. Гражданскэй воздушнэй флотлэн лётчик ёрт М. И. Тютяев, бортмеханик—радисткэт ёрт В. Д. Калашниковкэт виль скоростнэй почтовэй самолет вылын „ПС-40“ одзлань и бэр л'ебзымын вевтчисэ расстояннелісь 16.380 километра 53 час 40 минутэ.

Ёрт Тютяевлэн перелёт чулалісь еддён сьэжыт метеорологическэй условияезын. Владивостокыс самолет бэр л'ебзис август 31 луна асывнас 4 часэ 05 минут. Уже участокын Тыгда-Новосибирск, протяженнелісь 3.780 километра, машина куймись шедліс туманаа да грозаа еддён вына циклонн'ез центтрезэ. Самолёт вевдэрэт валісэ сплошнэй кымэррез.

Увдэрас—Кинганскэй да Яблоновскэй хребетісь ыджыт гораез. 50 минут гэгэр ёрт Тютяев самолетсэ нуэти слепай полет сьэрті. Участокын Рухлово-Могача машина пондис кыммын лёдэн. Несмотря крайнэй неблагоприятнэй метеорологическэй условияез вылэ, лётчик ёрт Тютяев да бортмеханик ёрт Калашников прекраснэя справитчисэ асланыс задачаэн. Быдэс кадэ полётлэн шэрэт скорость составитис часын 305 километр, а мукэд участоккез вылын, например, Керчинск—Иркутск участок вылын сія достигайтис 350 километра.

Самолёт совершитис нормальнэй рейс не этік посадкаэн (Казаньын, Свердловскын, Омскын, Новосибирскын, Иркутскын и медік местаезын).

Ёрт Тютяев полётлэн практикескэй значеннелісь—исключительно ыджыт. Советскэй Союзлэн герой ёрт

Коккинакилэн беспримернэй рейс бэрнэй ёрт Тютяевлэн полёт сетэ право утверждайтны, што чожа лосэ организуйтэм регулярнэй скоростнэй/воздушнэй сообщеннелісь Союзлэн центркэт да Дальнэй востоккэт. Скоростнэй почтовэй самолётт'ез вылын „ПС-40“ воздушнэй сообщеннелісь сетас возможность Москваыс почта доставляйтны Владивостокэ да Владивостоксынь Москваэ мэдэдэ-жэ луна.

Михаил Иванович Тютяев авиация локтис 1930 годин. Одзык сія вэлі Новосибирскын депоын слесарэн. 1931 годин ёрт Тютяев кончитис лётнэй школа и сія кадсынь уджалэ Гражданскэй воздушнэй флотын. Москва—Новосибирск линия вылын. Ёрт Тютяев—первэй классісь пилот 8 годан сія л'ебаліс 3200 час.

(„На смену“ газетасы).

Быдсэн вештісис государстволэ

Поповскэй колхозісь колхозниккез заём вылэ гижысэ 1535 руб вылэ, а вештісэ токо 311 руб. Мед-

перво заёмэ взнос'ез вештіс ёрт Попов Г. М., кэда-лэн сідз-жэ 100 процент вылэ вештэмэсь быдэс де-

нежнэй налоггез да йэв ияй заготовкаез.

Попов

РУБЕЖ САЙЫН

Фашистскэй Германия виль война порог вылын
Антифашистскэй движеннэ

Кыдз сообщайтэны Берлинсьянь, медбэр'я лунн'ез-ся событияез керисэ эддэн ыджыт тревога Германиясь населеннелэн паськыт слоййез коласын. Быдлаын трамвай езын, кафэезын, ресторанныезын, этэрын, мунэны басниез война угроза йылысь, разоблачайтэны фашистскэй газетаезлысь да радиолісь измышленнэез Чехословакияын положеннэ йылысь и с. о.

Медбэр'я лунн'езэ Берлинсь быдкодь районн'езын появитчисэ антифашистскэй плакатт'ез, листовкаез да надписез. Завод'езын да фабрикаезын эшаланы быдэс одззасы офицерезэс да унтер-офицерезэс регистрация йылысь приказз'ез. Рабочэй-йез быд лун получайтэны мобилизационнэй пункт'ез вылэ явка йылысь повесткаез. Куйм лун бэрті вэлі публикуйтэм быдэс одззасы 1914—1918 годд'ез-

ся империалистическэй войнальс участниккезлэн сентябрь 5-эт лунэ призыв йылысь распоряженнэ.

Пропаганда паныт войнальс чүлэтчэ преимущественнэ важ рабочэйезын.

Этлаэн етакэт сообщайтчэ сы йылысь, што берлинскэй предприятияезысь рабочэйез продолжайтэны ассинныс экономическэй положеннэ улучшитэм понда пессьэм. Этік военнэй предприятияын 62 работника требуйтисэ зароботнэй плата л'ебтэм. Мэдик машиностроительнэй заводын 200 рабочэй требуйтисэ увольненнэ либо зарплата л'ебтэм. Куим эт предприятияын этік отделеннэсь рабочэйез администрациясь сідз-жэ требуйтисэ зароботнэй плата л'ебтэм, либо увольненнэ. Кыкнан медбэр'я случайезын администрация вэлі вынужденнэй удовлетворитны рабочэйезлісь требованнэ.

Военнэй действияез Китайын

Центральнэй Китайын
Цзянси провинциясь ойвывся частын, Янцзы лунывся берегын, японецез подкрепленнэ полукитэм бэрын, бэра пондэтиэ доль Цзюцзян-Наньчанскэй кэртуй кузя лунлань наступленнэ. Эта наступленнэе поддерживайтчэ японскэй самолётт'езэн 200 самолёт количествын.

Жуйчан районнэй успехтэг японецез пытайтэны орэтын китайскэй оборональс линия. Китайскэй позицияез мунэны городсьянь токо 3 километра ылына.

Японецез пондэтиэсэ ыджыт атакаез Нанькансьянь рытланьжык (лунланьжык Цзюцзянсьянь).

Янцзы ойвывся берегын военнэй действияезлэн центр вуджис Хуанмэй город дынэ. Эта районнэй сосредоточеннэйсь 7 японскэй пехотнэй полк, этік артиллерийскэй полк, этік кавалерийскэй полк да 30 танккез. Хуанмэйсьянь ой-

ланьэ японецез пондэтиэсэ наступленнэ куйм колоннаэн. Первэй японскэй колонна сүвтэтэм китайскэй войскаезэн Дахену дынын (10 километр ылына ойланься рытланьэ Хуанмэйсьянь).

Аньхуэй провинциясь центральнэй частын Люаньсьянь ойланьэ японскэй наступленнэ сүвтэтэм Шачан окрестностьын (рытланьжык Моансьянь). Японскэй войскаез эта районнэй оперируйтэны 10 тысяча мымда.

Бритиш юнайтед пресс агенствосы Шанхайскэй корреспондент сообщайтэ, што Жуйчансьянь лунланься-рытланьжык районнэй японецез стремительнэй отступайткэ колисэ битваез ыб вылэ эддэн уна вийэммеэ да ранитэммеэ. Китаецез босьтисэ уна танккез, мымдакэ орудияез и мэдик военнэй снаряженнэ.

Абиссинияын оз прекращайтчы итальянскэй интервентт'езкэт партизанскэй война.



Снимок вылын: партизан засадаын.

ВЦСПС-лэн 7-эт пленум

Август 2 лунэ союз'ез-лэн керкуись колоннэй залын оссис ВЦСПС-лэн 7-эт пленум.

ВЦСПС VI пленумлэн решениез тыртэм йылысь ВЦСПС-лэн секретарь эрт керис ыджыт доклад Н. М. Шверник.

Август 3 лунэ вэлисэ эрт Н. М. Шверниклэн доклад сьэрти пренияз.

Тыртисэ няньпоставка план

Юринскэй сельсоветис Поповскэй колхоз август 5 лун кежэ няньпоставка вештис 100 проц. вылэ. Натурплата вештисэ 67 центнер.

Попов

Вниманнэ чери
вэдитан удж вылэ

Октябрьскэй социалистическэй революцияэдз мян округнэй чери вэдитан дело йылысь ез и нем байтчы. Колхознэй строй керис возможность занимайтчыны наука основаез сьэрти быд вэпросэн, сідз-жэ и чери вэдитан уджэн.

Мян округнэй емэсь богатэй водоеммеэ: юез, прудд'ез, тьез. Емэсь быдэс возможностез, медбы колхоз'ез занимайтчисэ чери вэдитан уджэн. 1936 годсьянь мукэд колхоз'ез чери вэдитан уджнас пондисэ занимайтчыны—керны чери вэдитан прудд'ез. 1938 годэ плотинаез керны приступитисэ 5 колхоз. Округ пасьта наметитэм прудд'езсэ керны 14. Ена прудд'езэ лоас вайэм чожа быдмись зеркальнэй карп, кэдэ поээ полукитны Свердловскэй областись Красноуфимскэй да Суксунскэй районн'езын.

Чери вэдитан делолэ колэ уделитны ыджытжык вниманнэ.

М. ОВЧИННИКОВ

Нель классын
этік велэтись

Пондэтчис велэтчан год, вот уже велэтчим кыдз быдса пятиндэвка, а школаын сё ешэ мунэ ремонт. Мян школаын нель класс. Класс'езыс янсэтэмась токо заборкаезын; этамэднымлэ мешайтам. 4 класс понда токо этік учитель Тотьянин. Сетас этік классэ заденнэ, а ачыс котэртэ мэдик классэ. Етшэм велэтчэм мянлэ уна оз сет.

Роно важын-ни бэбэтлэ, што вот назначитім велэтны Останинаэс, но талун сентябрь 6 лун, а велэтись сё абу.

Мийэ велэтчисез корам, медбы Районо немедленнэй иньдис мянлэ кэть ешэ этік учительэс.

Гавриловскэй школаись велэтчисез: А. Попов, И. Останин, З. Рыб'якова, Д. Вяткина.

СССР пасьта

Красноуфимскэй МТС-ись „Перед“ колхозись знатнэй комбайнер эрт Лагунов „Сталинец“ комбайн вылын уджалікэ добитчис с'етчэдэ, што лунся норма сетэ 36 га. Август 30 лунэ—стахановскэй годовщина лунэ сія убирайтис 40 га.

Животноводческэй совхоз „Исток“ готовитэ экспонатт'ез Всесоюзнэй сельско-хозяйственнэй выставка кежэ. Мэсс'ез тагило-остфризскэй породаись, шэртэся годовэй удой сетэны 6 тысячасянь 10 тысяч литраэ. Ны коласын рекордсменка „Особа“ да „Ирена“ совхозын шэрэт лунся удой сетэны 43 литраэн. Выставка понда сідз-жэ быдтэны тагило-остфризскэй породаовэйэ бык. Эні бык 6 месяцэ, л'ебтэ 300 килограмм.

Чусовэй ю берегын тригороднэй Киров нима поселокын Локсмотив спорт-обществолэн пондэтчис строитчыны стадион. Эта строительствэ вылэ Дорпрофсоюз л'едзис 28 тысяча руб. Стадионлэн площадь 37,500 квадратнэй метра. Расчитайтэм 20 тысяч зритель понда. Эта медыджыт стадион район пасьта.

Беззаботнэй председатель

Разинскэй сельсоветис Внуковскэй колхозись председатель Мехоншин М. И. оз пессьы, медбы колхозниккез олісэ зажиточнэй да культурнэй оланэн.

Эні колхозниккез умэля петалэны удж вылэ, а ветлывлэны ытшкисьны ас понда.

Август 5 лун кежэ колхозын вундэм токо 75 про-

цент вылэ, государстволэ сетэм нянь токо 30 процент вылэ, лэн нетшкисэ 80 процент вылэ. Колхозись председатель сы туйэ, медбы чожжыка кончитны уборка, август 31 лунсянь сентябрь 3 лунэдз пьянствуйтис. Колхозын некытшэм культурно-массовэй уджабу.

Томилин

Иваново. Тайковскэй районись „Ударник“ колхозын, таво тулыснас вэлі организуйтэм ыджыт ябло невэй питомник. С'етэн 130 тысяч том яблоны. Нія бура развивайтэны. Колхоз таво предполагайтэ яблоккез вузалэмись босьны доход 20 тысяч руб.

Киров. Котельническэй районись „Социализм туй вылэ“ колхоз тавосы годлын босьтис бур лэн урожай. Лыноводстволэн доход составляйтэ 337,780 руб.

Значительнэй л'ебэ удж-лунлэн оценка. Сідз колхозник Д. И. Бусыгинлэ, токо лэн реализация понда сюрэ полукитны 2.750 руб. Колхозница А. В. Корякина полукитас 1.500 руб.

Хасав-Юртовскэй районись (Дагестан) „Социализм“ колхозын Акайчиковалэн да Абдургашировлэн звеноэс асланыс участкаез вылын гектар вылісь помидор босьтисэ 250 центнерэн. Кузь гожумэн стахановецез весэтиэ помидоррез витись, киськавлісэ парижскэй зеленён куймись.

Селькоровскэй письмомез следд'ез сьэрти

Милициялэн округнэй управленнэ юэртэ, што фактт'ез, кэдна гижэмась публикуйттэм письмомын Нечаев П. Г. йылысь, эз подтвердитчэ.

Кудымкарскэй РайОНО юэртэ, што фактт'ез, кэдна гижэмась публикуйттэм письмомын Гуринскэй школаись учитель Гусельников А. И. йылысь подтвердитчисэ. Гусельниковлэ сетэм предупреденнэ.

Округнэй прокуратура юэртэ, што фактт'ез, кэдна гижэмась публикуйттэм письмомын А. Н. Климова йылысь, подтвердитчисэ. Дело сетэм видзэтэм понда народнэй судэ.

Кудымкарскэй РайОНО юэртэ, што фактт'ез, кэдна гижэмась публикуйттэм письмомын Бачева йылысь, подтвердитчисэ не быдэс.

Окрпрокуратура юэртэ, што фактт'ез, кэдна гижэмась публикуйттэм письмомын Бразгин йылысь, подтвердитчисэ. Бразгин привлекайтчэ уголовной ответственностьэ.

Кочевскэй Райзо юэртэ, што фактт'ез, кэдна гижэмась публикуйттэм письмомын Пармайылскэй колхозись председатель Андиров йылысь, подтвердитчисэ. Андировкэт принимайтчэны мераэс.

Кудымкарскэй РайОНО юэртэ, што фактт'ез, кэдна гижэмась публикуйттэм письмомын Н. Н. Хозяшев йылысь, эз подтвердитчэ. Хозяшев 1937-38 годын школаын эз уджав.

Отв. редакторлэн зам.
Я. И. НЕСТЕРОВ

Утерянный военный билет, выданный Кудымкарским райвоенкоматом и справки от колхоза, сельсовета и паспортного стола, на имя Сырканова Сергея Терентьевича, считать недействительными.

Утерянный профсоюзный билет за № 096206, выданный Окрпрофсоветом на имя Субботиной Таисьи Александровны (парихмарская РОКК), считать недействительным.